

Aanaar kieldâ čuovviittâstoimâ oca 31.5.2019 tme 15.00 räi

## Peivikiäččuiseidejee

Mij uuccâp peivikiäččuiseidejee fastâ tooimân, mon vuosâsajasâš soijimsaje lii Suáluičielgi peivikiäčču. Peivikiäččuiseidejee válduášáláid pargoid kuleh peivikiäju purrâmuš-, čurgim- já posâldâhhuolâttâs sehe táárbu mielđ párnái tipšo- já šoddâdempargoid uásálistem.

Peivikiäččuiseidejee pargoost vátojeh mälistemtááiduh já hygieniamáttu. Tooimâst mij anneep áárvust šiev oovtâstpargo- já ornijdemtááiduid, jiečânâs pargovyevi sehe hárijánem västidejee pargoin já pärnijuávhust porgâmist. Fastâ peivikiäččuiseidejee pargo álgá 12.8.2019 tâi sopâmuš mielđ.

Tohálâšvuotâvátámâššân peivikiäččuiseidejee tooimân lii arâšoddâdemlaavâ (540/2018) miäldásâš tohálâšvuotâ; paargon hiäivulâš áámmáttođhos tâi eres suárgán hiäivulâš škovlim. Kvpiis miäldásâš pargokuáhtásâš vuáđupálkki lii 1940,24 €/mp. Toos lasseen máksojeh Aanaar-lase 3 % já Kvpiis miäldásiih hiäduh. Pargoäigi lii koskâmiärálvávt 38,75 h/okko.

Ucâmušah tooimân toimáttuvvojeh [www.kuntarekry.fi](http://www.kuntarekry.fi) -siijđoi peht. Jis ij lah máhđulâš toohâđ šleđgálii ucâmuš, kalga ucâmuš toimáttiđ poostâ peht: Inarin kunta, sivistysosasto / varhaiskasvatusjohtaja, Piiskuntie 2, 99800 Avveel.

Tohálâšvuotâ čäittee tuodâštusah sehe CV tâi ánsuluváttállâm já eres tuodâštusah toimáttuvvojeh pivdem mielđ.

Lasetiäduid addel peivikiäččuhovdâ Marja Helander puh. 040 6207697 já arâšoddâdemhovdâ Pirkko Saarela puh. 040 7441259.  
Šleđgâpostâčujottâs: ovdânommâ.suhânommâ@inari.fi

Tooimân väljejum kalga toimáttiđ tuhhiittettee tuáhtártuodâštus tiervâsvuotâtilestis (T-luámáttâh) sehe uáinimnáál rikosregisterlaavâ 6 § 2 momentist uáivildum rikosregisterváldus. Peivikiäččuiseidejee tooimâst lii 4 mp keččâlemäigi.  
Aanaar kieldâ pargosaje lii suovâtem.

Suomâ stuárráamus já muččâdumos kieldâ Aanaar lii Suomâ aalmugijkoskâsumos arktâsii eellim kuávdâš Tave-Laapist. Aanaar lii maangâkulttuurlâš já šaddee paijeel 6800 ässee kieldâ, kost láá šiev kirdemohtâvuodâh sehe vijđes kávpáliih já almoliih palvâlusah. Suáluičielgi madhâšemkuávdâš, ruámsáás já styeres Aanaarjávri sehe válđáliih meccikuávluh astoäigimáhdulâšvuotâiguin pirâstiteh kieldâkuávdáá Avveel.

Suáluičielgi peivikiäčču lii s. 20 saje vuárupeivikiäčču, mii tuáimá tääl peerâtaálust. Peivikiäčču värree čohčuv 2019 uđđâ tiiljđ. Peivikiäjust uárnejuvvoo táárbu mielđ ovdámáttááttâs Suáluičielgi kuávlv párnáid. Toimâ vuávájuvvoo tienuuvvt, ete jieškoteuv ahasij párnái táárбуh já ääših, main sij láá perustum, váldojeh vuotân já pargeeh láá tuodâi mielđi sehe kuldâleh já kuáhtáje párnáid.

Peivikiäju sajaduv tááhust lii älkkee ornid mukkemaadhijid meccikuávloid, tulástállâmsoojid já valastállâmkiädán, moh láá alda. Mij movtijdittep párnáid sierâdmân já liihâdmân sehe huolâttiđ alnestis, nuubijn já pirâstíttee pirrâsisst.

Ilmoitus julkaistaan kokonaisuudessaan [www.kuntarekry.fi](http://www.kuntarekry.fi) –sivustolla, kunnan virallisella ilmoitustaululla ja kotisivuilla [www.inari.fi](http://www.inari.fi)

Almottâs almostittoo tievâslâžžân [www.kuntarekry.fi](http://www.kuntarekry.fi) - siijđoin, kieldâ virgálii almottâstaavlust já päikkisiijđoin [www.inari.fi](http://www.inari.fi).

Almmuhus almmustahttojuvvo ollâsit [www.kuntarekry.fi](http://www.kuntarekry.fi) - siidduin,gieldda virggálaš almmuhantávvalis ja ruoktosiidduin [www.inari.fi](http://www.inari.fi).

Äâlmtoš čööđtet obbvuođstes [www.kuntarekry.fi](http://www.kuntarekry.fi) - seeidin,kää’dd veerjlaž äâlmtemtaaulâst da dommseidain [www.inari.fi](http://www.inari.fi)

Avelist 13.5.2019

arâšoddâdemhovdâ Pirkko Saarela

